

## Дуту-дундиг дарунь чиклх кергтә

Джилин түрүн өрәлд республикин загъсчнр ик диилвр бәрдж. орн-нутгтан зурагъасн үлү кесг миньгън центнер загъс орулдж өглә. Тер диилврән улмар батлдж. намрин болзгт бас ик загъс анънхин кергт загъсчнр белдвр кеджәнә.

Каспийск района загъсна колхозмуд загъсчнриг диглчкв. «Каспиец» колхоз ставной шүүгүлин — 22, реюшкин — 45, тенъгсин бударкин — 32 звено, «2-я пятилетка» колхоз ставной шүүгүлин 10, тенъгсин бударкин 12, реюшкин 17 звено, «Красный моряк» колхоз ставной шүүгүлин 12, реюшкин 28, тенъгсин бударкин 12 звено диглв. Ода загъсчнр гөлл-урхан бийснь белддж бәәцхәнә.

Болв, сав-санх белдлгънд ик дуту-дунд бәәнә. Прикаспийск МРС ясх 162 савас, июлин 23 күртл 90 сав белддж. 59 савин ясвр нам экләд уга.

Эн тоот дуту-дундиг МРС-н гардачнр — материал уга болад гарчах йовдл гидж келцхәнә. Болв эннь хаджгър, юньгад гихлә хаджуднь бәәх Прикаспийск загъсна комбинат кергтә тоот материалан белдәд, ода цуг ясгдх тоот савмудан ясджана. Зуг МРС авх 600 кубометр мод болн нань чигн кесг материал белдсмн уга.

Терүн деер, МРС-н эклц партийн организац болн энүнә сегләтр ұр Поваляева савсанъх белдлгънә көдлмшин төрәр нег чигн күүндвр кесн саам уга. Дакад болхла көдлмшчнр дунд социалистическ дөрлдән делгрүлгдсмн уга. Эрсин газет бас гархш.

Эн тоотиг партин Каспийск райком болн района күцәгч комитет медә бәәсн бийнь, даругъас дуту-дундиг чиклх эваргъар төр кеджәхш.

**С-Г ГОШЕНДАНОВ.**